



სსიპ საჯარო რეესტრის ეროვნული სააგენტო

სატენდერო დოკუმენტაცია

ხაშური-ქსანი-წალკა-დმანისი-გორელოვკას ტერიტორიის მონაკვეთებზე

**სახელმწიფო სანიველირო ნიშნების მოკვლევის
მომსახურების შესყიდვა
ელექტრონული ტენდერის საშუალებით
(CPV-713000000)**

**2014 წელი
ქ. თბილისი**

ს ა რ ჩ ე ვ ი

1. ინსტრუქცია ტენდერში მონაწილეთათვის.
2. ტექნიკური დოკუმენტაცია.
3. საკვალიფიკაციო მონაცემები
4. სახელმწიფო შესყიდვის შესახებ ხელშეკრულების პროექტი.
5. დანართი №1 - ტექნიკური დავალება.
6. დანართი №2 - აფიდავიტის საილუსტრაციო ფორმა.
7. დანართი #3 - სქემა.
8. დანართი #4 - სანიველირო რეპერების დამაგრების ტიპების ნახაზები.

1. ინსტრუქცია ტენდერში მონაწილეთათვის

1.1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში - სისტემა).

1.2. სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.3. სატენდერო წინადადების წარდგენისთვის უნდა იყოს დარეგისტრირებული სისტემაში მიმწოდებლის სტატუსით, შემდეგ ვალდებული ხარტ გაეცნოთ აფიდავატს და დაეთანხმოთ მას (გაცნობას და თანხმობას ადასტურებთ სისტემის მეშვეობით).

1.4. ამის შემდეგ მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.5. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.6. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების გაუმართაობის შემთხვევაში, ყოველ კონკრეტულ ტენდერში, ელექტრონული გარანტიის წარდგენა და საფასურის გადახდა შესაძლებელია განხორციელდეს სააგენტოსთან შეთანხმებით, ტექნიკური დოკუმენტაციის სისტემაში ატვირთვამდე სახელმწიფო შესყიდვების განხორციელების წესის შესახებ დებულებით გათვალისწინებული პროცედურების გამოყენებით. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7. მას შემდეგ რაც ზემოაღნიშნულ ქმედებებს განხორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.8. სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.9. ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით,

1.10. ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.11. სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.12. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.13. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.14. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი, დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.15. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით. კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დაფიქსირა, ხოლო ყოველ მომდევნო რაუნდში – კი ის

პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.16. მას შემდეგ რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით, ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.17. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.18. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისთვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას სატენდერო წინადადების ფასზე.

1.19. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაიარა ყველა ზემოთ მოყვანილი ეტაპი (არ იქნა დისკვალიფიცირებული) შემსყიდველი დებს მასთან სახელმწიფო შესყიდვების შესახებ ხელშეკრულებას.

1.20. ყველაზე დაბალის ფასის მქონე პრეტენდენტის დისკვალიფიკაციის შემთხვევაში შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.21. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/ და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევაში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე.

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობათან დაკავშირებული ხარჯები.

1.22. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე, დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.23. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.24. სახელმწიფო შესყიდვების ერთიან ელექტრონულ სისტემაში (შემდგომში - სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.25. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისთვის დაზუსტდება სატენდერო წინადადების შესაბამისად.

1.26. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.27. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სახელმწიფო შესყიდვების ერთიან ელექტრონულ სისტემაში კითხვა/პასუხის რეჟიმის გამოყენებით.

2. ტექნიკური დოკუმენტაცია

2.1. შესასყიდი ობიექტის დასახელება, აღწერილობა, მოცულობა ვადები,

2.1.1. სატენდერო დოკუმენტაცია ითვალისწინებს **ხაშური-ქსანი-წალკა-დმანისი-გორელოვკას ტერიტორიის მონაკვეთებზე** სახელმწიფო სანიველირო ნიშნების მოკვლევის მომსახურების შესყიდვას.

2.1.2. შესასყიდი მომსახურების აღწერილობა და პირობები განისაზღვრება სატენდერო დოკუმენტაციით განსაზღვრული ტექნიკური დავალებით (დანართი #1).

2.1.3 ტექნიკური დავალებით გათვალისწინებული მომსახურების განხორციელება უნდა დასრულდეს 2014 წლის 30 სექტემბრამდე.

2.2. სატენდერო წინადადების გაანგარიშების წესი:

პრეტენდენტის მიერ წარმოდგენილი სატენდერო წინადადების ფასი გაანგარიშებული უნდა იყოს პრეტენდენტის მიერ შედგენილი ფასთა ცხრილით და უნდა ითვალისწინებდეს სატენდერო დოკუმენტაციით განსაზღვრული, მიმწოდებლის ვალდებულებების შესრულებასთან დაკავშირებულ ყველა ხარჯს, მათ შორის ტრანსპორტირებასთან დაკავშირებულ ხარჯებს, და კანონმდებლობით გათვალისწინებულ ყველა გადასახადს. ნებისმიერ ხარჯი, რომელიც არ იქნება გათვალისწინებული სატენდერო წინადადების ფასში არ ანაზღაურდება.

2.3. ანგარიშსწორების სავალდებულო პირობები

2.3.1. წინასწარი ანგარიშსწორება არ გამოიყენება.

2.3.2. მიმწოდებელს აუნაზღაურდება შესყიდვის ობიექტის ღირებულება საგადასახადო ანგარიშ-ფაქტურის წარმოდგენის შემდეგ (თუ მიმწოდებელი დღგ-ს გადამხდელია), მხარეთა მიერ გაფორმებული შესაბამისი მიღება-ჩაბარების აქტის საფუძველზე, მიღება-ჩაბარების აქტის გაფორმებიდან 15 სამუშაო დღის ვადაში.

3 პრეტენდენტის ტექნიკური დოკუმენტაცია

3.1. პრეტენდენტი ტენდერში მონაწილეობით ვალდებულებას კისრულობს, მისი გამარჯვების შემთხვევაში, განახორციელოს მომსახურება წინამდებარე სატენდერო დოკუმენტაციის ტექნიკური დავალებით გათვალისწინებული მოთხოვნების ზუსტი დაცვით.

3.2. სატენდერო დოკუმენტაციით გათვალისწინებულ სამუშაოების შესრულებაზე პასუხისმგებელ პირს უნდა გააჩნდეს განათლება გეოდეზიის სპეციალობით, უნდა ჰქონდეს ამ სპეციალობით მუშაობის არანაკლებ 3 წლიანი გამოცდილება და აქედან, აუცილებლად, სახელმწიფო სანიველირო რეპერების მოკვლევის, აღდგენის და სანიველირო სვლების გატარების სამუშაოების შესრულების გამოცდილება. პრეტენდენტმა უნდა წარმოადგინოს შესასრულებელ სამუშაოებზე პასუხისმგებელი პირის ვინაობა, განათლების დამადასტურებელი დოკუმენტის დამოწმებული ასლი, დამსაქმებელი ორგანიზაციის, თანამდებობის დასახელება, თანამდებობაზე მუშაობის ხანგრძლივობა, სამუშაოს აღწერილობა.

3.3. პრეტენდენტმა უნდა წარმოადგინოს ფასთა ცხრილი, სადაც მოცემული იქნება ტექნიკური დავალებით გათვალისწინებული თითოეული სანიველირო ნიშნის მოკვლევის ღირებულება.

3.4. პრეტენდენტმა უნდა წარმოადგინოს შესაბამისად უფლებამოსილი პირის მიერ დამოწმებული ინფორმაცია პრეტენდენტი იურიდიული პირის სამართლებრივ-ორგანიზაციული ფორმის, სახელწოდების, იურიდიული მისამართის, წარმომადგენლობითი უფლებამოსილების მქონე პირების, საბანკო რეკვიზიტების, საიდენტიფიკაციო კოდის შესახებ.

საკვალიფიკაციო მონაცემების დამადასტურებელი დოკუმენტები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

- ა)** ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან;
- ბ)** ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია და არ მიმდინარეობს გადახდისუნარობის საქმის წარმოება (შენიშვნა: არ ეხებათ ინდივიდუალურ მეწარმეებს).
- გ)** ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ;
- დ)** ცნობა ბანკიდან ფინანსური მდგომარეობის შესახებ.

საკვალიფიკაციო მონაცემების დამადასტურებელი დოკუმენტების წარმოდგენა პრეტენდენტის მიერ უნდა მოხდეს შემსყიდველი ორგანიზაციის მოთხოვნით გონივრულ ვადაში, მოთხოვნიდან არაუგვიანეს 5 დღისა.

საკვალიფიკაციო მოთხოვნების დამადასტურებელი, ადმინისტრაციული ორგანოებიდან გასაცემი დოკუმენტები გაცემული უნდა იყოს სატენდერო წინადადებების მიღების ეტაპის დაწყების შემდეგ.

4.სახელმწიფო შესყიდვის შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

— ————— 2014 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი თავმჯდომარის მოადგილის **ალექსანდრე თევდორაძის** სახით და ----- შემდგომში წოდებული „მიმწოდებლად“, წარმოდგენილი ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული მომსახურება.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია **ხაშური-ქსანი-წალკა-დმანისი-გორელოვკას ტერიტორიის** მონაკვეთზე სახელმწიფო საწვავით ნაწილების მოკვლევის მომსახურების შესყიდვა.

2.2 მომსახურების აღწერილობა განისაზღვრება სატენდერო დოკუმენტაციის ტექნიკური დავალებით.

3. ხელშეკრულების ღირებულება

3.1 ხელშეკრულების ღირებულება შეადგენს ----- (-----) **ლარს**.

3.2. ხელშეკრულების ღირებულება მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღე-ს ჩათვლით.

4. მხარეთა ვალდებულებები

4.1. მიმწოდებელი ვალდებულია:

ა) უზრუნველყოს სატენდერო დოკუმენტაციის ტექნიკური დავალებით გათვალისწინებული მომსახურების განხორციელება 2014 წლის 30 სექტემბრამდე.

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

მიმწოდებელი იძლევა გარანტიას რომ მის მიერ გაწეული მომსახურება დააკმაყოფილებს საერთაშორისო სტანდარტებით ამ სფეროში დადგენილ ყველა მოთხოვნას.

6. ინსპექტირება

6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2 ინსპექტირებას განახორციელებენ შემსყიდველის თანამშრომელ(ებ)ი.

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4 შემსყიდველის შესაბამისი წარმომადგენელი უფლებამოსილია ჩაატაროს ხარისხის კონტროლი და თუ აღმოჩნდება წუნი, მიმწოდებელი ვალდებულია მოახდინოს რეაგირება და გამოსწოროს წუნი შესაძლო უმოკლეს ვადაში.

7. მომსახურების მიღება-ჩაბარების წესი

მიწოდებული შესყიდვის ობიექტი ჩაითვლება მიღებულად მხარეთა მიერ გაფორმებული მიღება-ჩაბარების აქტის საფუძველზე. მიღება-ჩაბარების აქტი ფორმდება ინსპექტირების განმახორციელებელი პირის მიერ შედგენილი დადასტოვებული დასკვნის მქონე ინსპექტირების აქტის საფუძველზე.

8. ანგარიშსწორება

8.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;
- გ) დაფინანსების წყარო – სსიპ საჯარო რეესტრის ეროვნული სააგენტოს საკუთარი შემოსავლები

8.2. ანგარიშსწორება მოხდება მხარეთა მიერ გაფორმებული მიღება-ჩაბარების აქტის საფუძველზე, საგადასახადო ანგარიშ-ფაქტურის წარმოდგენის შემდეგ, თუ მიმწოდებელი დღე-ს გადამხდელია, ხოლო თუ არ არის დღე-ს გადამხდელი, შემოსავლების სამსახურიდან შესაბამისი ცნობის წარმოდგენის შემდეგ, მიღება-ჩაბარების აქტის გაფორმებიდან 15 სამუშაო დღის განმავლობაში.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

9.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

10.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის საქართველოს მოქმედი კანონმდებლობის შესაბამისად.

10.2. თუ ერთი-ერთი მხარე არ ასრულებს ხელშეკრულების საგანთან დაკავშირებულ ვალდებულებას, მეორე მხარე წერილობითი ფორმით აფრთხილებს მას შეასრულოს ხელშეკრულებით ნაკისრი ვალდებულება. თუ მიუხედავად გაფრთხილებისა მხარე კვლავ არ ასრულებს ან არსებითად არღვევს მის მიერ ნაკისრ ვალდებულებას, დაზარალებულ მხარეს უფლება აქვს ცალმხრივად შეწყვიტოს ხელშეკრულების მოქმედება.

10.3. თუ შემსყიდველის მიერ გადამოწმებისას გაირკვევა, რომ მიმწოდებლის მიერ „განადგურებული“-ად მითითებული რეპერი ფიზიკურად არსებობს, მიმწოდებელს დაეკისრება პირგასამტეხლო რეპერის მოკვლევის ღირებულების ოდენობით, ხოლო თუ ასეთი რეპერები აღმოჩნდება 2-ზე მეტი, შემსყიდველს უფლება აქვს მოითხოვოს მიმწოდებლის მიერ წარმოდგენილი ყველა რეპერის მოკვლევის განმეორებით ჩატარება.

10.4. წინამდებარე ხელშეკრულების 4.1 პუნქტის „ა“ ქვეპუნქტებით გათვალისწინებული ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე, ვადაგადაცილებული ვალდებულების შესრულების ღირებულების 0.1%-ის ოდენობით.

10.5. წინამდებარე ხელშეკრულების 8.2 პუნქტით განსაზღვრული გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე გადაუხდელი თანხის 0.1%-ის ოდენობით.

10.6. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

11.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2014 წლის 31 დეკემბრის ჩათვლით.

15. ფორს-მაჟორი

15.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო მეორე – შემსყიდველს.

შემსყიდველი:

საჯარო რეესტრის ეროვნული სააგენტო,

წარმოდგენილი თავმჯდომარის მოადგილის

ალექსანდრე თევდორაძის სახით,

მისამართი: ქ. თბილისი, წმინდა ნიკოლოზის/ნ. ჩხეიძის ქ. №2.

საბანკო რეკვიზიტები: ანგ. №GE46BG000000113686601,

სს „საქართველოს ბანკი“, კოდი: BAGAGE22,

სკ - 202238621

მიმწოდებელი:

წარმოდგენილი ----- სახით,

მისამართი: -----

საბანკო რეკვიზიტები: ანგ. №-----,

სს -----, კოდი: -----,

სკ -----

ტექნიკური დავალება

სახელმწიფო სანიველირო ქსელის რეპერების მოკვლევასთან დაკავშირებით

ხაშური-ქსანი-წალკა-დმანისი-გორელოვკას ტერიტორიის მონაკვეთებზე

1. ზოგადი ინფორმაცია

- 1.1 შესყიდვის განხორციელების მიზანია საქართველოს სახელმწიფო სანიველირო ქსელის რეკონსტრუქცია, არსებული რეპერების მონაცემთა ბაზის შექმნა. რათა შემდგომში შეიქმნას საქართველოს ზუსტი, ციფრული კვაზიგეოდალური (სიმაღლური) მოდელი. GNSS (GPS) - მიმღებში ჩატვირთული ციფრული „კვაზიგეოდალური მოდელი“ საშუალებას იძლევა ადგილზე განსაზღვროს საჭირო წერტილების აბსოლუტური სიმაღლეები ქვეყანაში მოქმედ სიმაღლურ სისტემაში.
- 1.2 მოსაკვლევი ტერიტორია მოიცავს ხაშურის, ქარელის, გორის, კასპის, მცხეთის, თეთრიწყაროს, წალკის, დმანისის და წინოწმიდის მუნიციპალიტეტის ტერიტორიებს.
- 1.3 ძველი სანიველირო ბაზის დასახელებაა **„ხაშური-მცხეთა, თბილისის გეოდინამიკური პოლიგონი, ქსანი-წალკა-გორელოვკა“**
- 1.4 სანიველირო ბაზის სიგრძე დაახლოებით 300კმ-ია. (იხ. დანართი №3) მოსაკვლევ ტერიტორიაზე რეპერების მოკვლევა არ განხორციელებულა ბოლო 25-30 წლის მანძილზე.
- 1.5 „გეოდეზიური და კარტოგრაფიული საქმიანობის შესახებ“ საქართველოს კანონის 17-ე მუხლით დადგენილია, რომ გეოდეზიურ და სანიველო პუნქტებს იცავს სახელმწიფო. დაცვის ზონა ვრცელდება გეოდეზიური პუნქტის ცენტრიდან სამი მეტრის რადიუსში. მიწის ნაკვეთების მესაკუთრეები და მოსარგებლეები, რომელთა ნაკვეთზეც მდებარეობს გეოდეზიური პუნქტი, ვალდებული არიან გეოდეზიური სამუშაოების მწარმოებელს მისცენ გეოდეზიურ პუნქტებთან მისვლის საშუალება.
- 1.6 მოსაკვლევი რეპერები (34 გრუნტის რეპერი და 19 კლდის რეპერი) მდებარეობს ზღვის დონიდან 2000 მეტრზე მეტ სიმაღლეზე.

2. მომსახურების უსაფრთხოების წესების დაცვა

- 2.1 მომსახურების გაწევის დროს მიმწოდებელი ვალდებულია დაიცვას 1988 წელს გამოცემული „ტოპოგრაფიულ-გეოდეზიურ სამუშაოებზე უსაფრთხოების ტექნიკის წესები“-თ დადგენილი მოთხოვნები.
- 2.2 მომსახურების გაწევის დროს სავსე სამუშაოების შესრულებისას მიმწოდებელმა უნდა დაიცვას სახელმწიფო საზღვრის შესახებ საქართველოს კანონით დადგენილი წესები.

3. მომსახურების გაწევის წესი

- 3.1 მომსახურების დაწყებამდე მიმწოდებელი ვალდებულია შეატყობინოს შესაბამისი მუნიციპალიტეტის გამგებელს გასაწევი მომსახურების შესახებ.
- 3.2 მიმწოდებლის მიერ გაწეული მომსახურების შემდეგ შემსყიდველზე მიწოდებული ინფორმაცია წარმოადგენს შემსყიდველის საკუთრებას და დაუშვებელია მიმწოდებლის მიერ აღნიშნული მასალების გამოყენება.
- 3.3 შემსყიდველი ორგანიზაციის წერილობითი თანხმობის გარეშე, მიმწოდებელს არა აქვს ქვეკონტრაქტორებთან ხელშეკრულების დადების უფლება.

4. მიმწოდებლის მიერ გასაწევი მომსახურების ჩამონათვალი

- 4.1. მოკვლევულ უნდა იქნას სახელმწიფო სანიველირო ნიშნები - 172 რეპერი.

აქედან:

- გრავიმეტრიული პუნქტი - 1
- ტრიანგულაციის პუნქტი - 2
- ფუნდამენტალური - 5
- ყამირის (გრუნტის) - 91
- კლდის - 23
- კედლის (რეპერები და მარკები) - $35 + 13 = 48$
- წყალსაზომი საგუშაგო - 2

იმ კედლის რეპერებსა და მარკებზე, რომლებზეც უშუალოდ შეუძლებელია GPS-ით კოორდინატების განსაზღვრა, დასაშვებია 25 სმ-მდე ცდომილება.

- 4.2 საჭიროების შემთხვევაში, მიმწოდებელს აქვს უფლება გადაამოწმოს საწყის დოკუმენტებთან მოსამზადებელი დოკუმენტაციის სისწორე, გეოდეზიისა და კარტოგრაფიის სამსახურის წარმომადგენელთან ერთად.
- 4.3. თუ საწყის მასალებში არ არის ან არასწორად არის ჩაწერილი რეპერების ცენტრების ტიპის ნომერი, მოკვლევის პროცესში მიმწოდებელმა უნდა იხელმძღვანელოს №2 დანართში მოყვანილი რეპერების ცენტრების ტიპების ნახაზებით და შეიტანოს შესაბამისი ჩანაწერი ან შესწორება.
- 4.4 მოსაკვლევი ტერიტორიის იმ ნაწილზე, სადაც მიმწოდებელს არ გააჩნია აერო და კოსმოსური გადაღების მასალები, რეპერების მოკვლევის ბარათებში ორთოფოტოგეგმის ფრაგმენტის ნაცვლად უნდა იქნას გაკეთებული რეპერის ადგილმდებარეობის ჩანახაზი.
- 4.5 იმ შემთხვევაში, თუ საველე მოკვლევის პროცესში დანამდვილებით დადგენილია რომ რეპერი დაფარულია ასფალტით, ასეთი რეპერი უნდა ჩაითვალოს როგორც **განადგურებული**.
- 4.6 მიმწოდებელი ორგანიზაციის ტექნიკური მენეჯერი ვალდებულია ჩაატაროს სატენდერო წინადადებით გასაწევი მომსახურების ხარისხის კონტროლი განსაკუთრებულად იმ ადგილებში სადაც რეპერები განადგურებულია ან ვერ მოიძებნა.
- 4.7 გაუთვალისწინებელი და გაუგებარი საკითხები მიმწოდებელმა უნდა გაარკვიოს შემსყიდველთან.

- 4.8 „სახელმწიფო სანიველირო ნიშნების საველე მოკვლევისა და სანიველირო ხაზების რეკონსტრუქციის“ ინსტრუქციის № 1.7 პუნქტით გათვალისწინებული სიმაღლეთა ათვლის სისტემა განისაზღვროს - **ელიფსოიდალური** (გეოდეზიური) სიმაღლეებით.
- 4.9 ხაზში მოკვლევას არ ექვემდებარება 20 რეპერი, რომლებიც მოკვლეულია საჯარო რეესტრის ეროვნული სააგენტოს გეოდეზიისა და კარტოგრაფიის სამსახურის მიერ.

აქედან :

- ტრიანგულაციის პუნქტი <არმუდლუ>

- კედლის რეპერი ნომრებით : № 24 ;№56; № 59; №68; №130; №165;№349;№449; № 711;

№ 740;№1647;№ 2303;№ 3057 =13 და კედლის მარკები №1368; № 2466; № 15741;№ 18324;№20512;№ 20621 = 6

5. გადასაცემი მასალები

- 5.1. მომსახურების გასაწევად მიმწოდებელი მიიღებს მოსაკვლევი სანიველირო რეპერების *shp ფაილს, რომელთან Hyperlink-ის საშუალებით მიბმულია გეოდეზიისა და კარტოგრაფიის სამსახურში არსებული რეპერების ჩაგდების და მოკვლევის ბარათები. გარდა ამისა *shp ფაილის ატრიბუტულ ცხრილში მოცემულია თითოეული რეპერის ადგილმდებარეობის აღწერა.მოსაკვლევ მონაკვეთზე არ არსებობს 94 რეპერის ჩაგდების ბარათი, ამიტომ ეს რეპერები მოსაკვლევია აღწერილობის მიხედვით. გრ.რეპ.№ 2520 მოსაკვლევად უნდა გამოყენოს სსიპ საჯარო რეესტრის ეროვნული სააგენტოს მიერ მომზადებული ბარათი („ინსტრუქციის“ № 1.1; 1.2 და 1.4 პუნქტებით გათვალისწინებული მოსამზადებელი სამუშაოები განახორციელა საჯარო რეესტრის ეროვნული სააგენტოს გეოდეზიისა და კარტოგრაფიის სამსახურმა. მსხვილი მასშტაბის ტოპოგრაფიული რუკების და ორთოფოტოგეგმების გამოყენებით მოხდა მოსაკვლევი რეპერების მიახლოებითი მდებარეობის დადგენა WGS-84/UTM საკოორდინატო სისტემაში. ხოლო წყალსაზომი საგუშაგოების მონაცემები აღებულია სახელმწიფო სანიველირო კატალოგებიდან. გრავიმეტრიული პუნქტის მონაცემები აღებულია ტექნიკური ანგარიშიდან, რომლის თანახმად პუნქტის კოორდინატების განსაზღვრის სიზუსტე 50 მეტრის ფარგლებშია).
- 5.2. მოსაკვლევ ტერიტორიაზე არსებული 1:50 000 მასშტაბის ტოპოგრაფიული რუკები (საჭიროების შემთხვევაში).
- 5.3. სანიველირო ნიშნების ცენტრის ტიპების ნახაზები (იხ. დანართი № 4)
- 5.4. „სახელმწიფო სანიველირო ნიშნების საველე მოკვლევისა და სანიველირო ხაზების რეკონსტრუქციის“ ინსტრუქცია

6 მომსახურების ხარისხის კონტროლი

6.1 შემსყიდველი ორგანიზაციის მიერ ადგილზე რეპერების მოკვლევის შედეგების შემოწმების განხორციელების პრინციპები:

- კოორდინატების განსაზღვრის სიზუსტე;
- *shp ფაილის ატრიბუტული ცხრილის შევსების სისწორე;

- ინსტრუქციის 1.9.3 პუნქტით გათვალისწინებული მონაცემების სისწორე;
- რეპერების ცენტრების ტიპის ჩვენების სისწორე;
- რეპერების ფიზიკური მდგომარეობის მონაცემების სისწორე;
- რეპერების და მარკების ფოტოსურათების ხარისხი;
- რეპერების მოკვლევის ბარათების შევსების სისწორე

9. საბოლოო პროდუქცია

7.1 მიმწოდებელმა შემყიდველს უნდა გადასცეს შემდეგი სახის საბოლოო პროდუქცია:

ა) მოკვლეული რეპერების *.shp ფაილი, სადაც Hyperlink-ის საშუალებით მიბმული იქნება მოკვლეული რეპერების მოკვლევის ბარათების რასტრული გამოსახულება *.jpg ფაილი, ატრიბუტული ცხრილი კი უნდა შეივსოს ინსტრუქციის 1.9 პუნქტის შესაბამისად.

ბ) მოკვლევის ბარათები ანაბეჭდები და *.doc ფაილები;

გ) დაკარგული რეპერების ჩამონათვალი, ანაბეჭდი დაერთოს განმარტებით ბარათს და *.xls ფაილი ინსტრუქციის 1.9 პუნქტის შესაბამისად (ცხრილი №1)

დ) რეპერებზე GPS დაკვირვების ფაილები RTK - სტანდარტულ ფორმატში (დრო 1 წუთის სიზუსტით, და თარიღი) ფაილები, ხოლო STATIC რეჟიმში - RINEX ფაილები;

ე) აქტები რეპერების განადგურების შესახებ (დანართი №1), ანაბეჭდები, *.doc და *.xls ფაილი;

ვ) იმ რეპერების ცენტრების სურათები, რომელთა მარკა დარღვეულია ან განადგურებულია - *.jpg ფაილი;

ზ) განმარტებითი ბარათი (შესრულებული სამუშაოების შესახებ) ხანგრძლივი შენახვისთვის ყდაში აკინძული ანაბეჭდი და *.doc ფაილი;

თ) გადაღებული რეპერის ადგილმდებარეობის და მარკების სურათები *.jpg ფორმატში. სურათები უნდა დაინომროს რეპერის ნომრის მიხედვით, როცა ერთი და იგივე რეპერზე გადაღებულია რამოდენიმე სურათი, სურათის ნომრის და ქვედა ტირის შემდგომ ემატება რიგითობის ნომერი. (მაგალითად 2745_1.JPG, 2745_2.JPG, 2745_3.JPG).

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადებისგან საჯაროების მომენტამდე.



გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

თანხმობა

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.